



Yüli 2011

**DE LA ORACION A LA PAZ:**  
**El fruto del silencio es la oración**  
**El fruto de la oración es la fe**  
**El fruto de la fe es el amor**  
**El fruto del amor es el servicio**  
**El fruto del servicio es la paz - Madre Teresa, M.C.**



**COMO TRABAJAR**  
*"Haz las cosas pequeñas con gran amor" - Madre Teresa, M.C*



**FIDELIDAD antes que Éxito**  
*"Dios no pretende de mi que tenga éxito. Sólo me exige que le sea fiel."*  
**Madre Teresa de Calcuta**

# PERSEVERA

Un página di kurashámentu i guia spiritual pa miembronan di Scouting Antiano



Edishon 6 Aña 1

## Rèspèt

Rèspèt ta kuminsá serka bo mes. Un hende mester respetá su mes, pa e por respetá otro. Den nos relashon ku nos famia, ku nos pueblo, ku nos pais, mester tin rèspèt. Mustra rèspèt pa un otro ke men, aseptá e otro como ser humano meskos ku bo, i dun'é su balor i dignitat manera e ta meresé. Un persona ku rèspèt no ta ofendé otro hende. E ta mustra apresio p'e otro hende, maske e ta diferensia di opinion. Rèspèt mester bai den tur direkshon, di grandi pa chikitu, i di chikitu pa grandi, di empleado pa hefe, i visevèrsa, di yu pa mayor, i di mayor pa yu. Mester mustra rèspèt pa outoridat, pero outoridat mester mustra rèspèt tambe pa esnan, ku ta kai bou di dje. Mustra rèspèt pa bo pais i ten'é limpi i hasié un lugá agradabel pa nos mes i otro hende. Demostrá rèspèt pa bo próhimo; no ofendé ni no papia malu di dje. Mustra rèspèt pa bo mes; no hasi nada ku por hasi daño na bo kurpa.


Un poeta a yega di bisa ku nos mester tin:

Pa nos enemigu	: pordon
Pa nos oponente	: toleransha
Pa un amigu	: bo kurason
Pa un cliente	: servisio
Pa nos próhimo	: karidat
Pa tur mucha	: un bon ehèmpel
Pa nos mes	: rèspèt



## Un Amigu Perfekto

*Proverbionan 18:24: Hende ku hopi amigu ta haña nan den problema, amigu berdadero ta nifiká mas ku ruman.*



Bo a deseá di tin un amigu perfekto?  
 Un amigu ku ta stima bo no opstante di loke bo a hasi.  
 Un amigu ku semper t'ei ora bo tin mester di dje.  
 Un amigu ku konosé bo íntimamente i tòg ta sigui stima bo.  
 Un amigu ku semper ta enkurashá bo i nunka ta tene bo abou.  
 Un amigu sabí sin ku e ta kere ku e ta masha kos.  
 Un amigu ku no tin problemanan personal pa distraé.  
 Un amigu ku ta poderoso i famoso, pero tòg ku dos pia riba tera i aksesibel.  
 Un amigu ku ta hustu pero tin miserikòrdia ku otroan.  
 Un amigu ku nunka ta faya.  
 Un amigu ku gusta hari i pasa bon ku bo.  
 Un amigu ku tin e sabiduria i abilidat pa yuda bo ku tur kos.  
 Un amigu ku no ta sinti su mes muchu bon pa laba bo pia , pero ku suficiente talento pa ta e mihó den tur kos.  
 Un amigu ku ta pone bo interesnan riba esnan di dje mes.  
 Un amigu ku stima bo mas ku abo stima bo mes.  
 Un amigu ku ta kapas pa muri pa bo.  
 Ta unu so tin. Su nòmber ta **Hesus**, i E ke ta bo amigu.

**Bisa asin'aki: Hesus ta mi Amigu.**